

تاریخ رومی ۱۳۲۹

نومرو ۳

تاریخ هجری ۱۳۳۱



میس ۲۰

اعتقاد دلمی

جمادی الاخره ۲۶

پازار ایرتسی کوناری نشر اولنور اسبوعی اسلام جریده سیدر .

(مدرسه اعتقادلری و تمیزلرم)

فلاکت اخیرہ مزی متعاقب، بر قاج موازنہ سز
کیسہ لڑک، فکر مفسد تلمیخی ارتق اخفایہ لزوم
کور میہ ریک بتون عربان لغیہ میدانه قومہ لری
وافکار مفسد تلمیخہ برده مشروعت ماسکسی
طاقہ رق معصوم خلغمزی دام اغفالہ دوشور مکہ
یلتمہ لری وصاغہ وصولہ بی محابا شتوملر، تحقیر لر
یاغدر مملری طوغریلی سکو تله کچشدیر یلہ جک
حالاتدن دکلدی .

قلمدار اتمزک بوباران شتومہ سکو تله مقابله
ایللری شاتملرہ جسارت ویریور، جرئت لری
ارتیریوردی . قدر شناس اہالیز ایلہ طابہ
علوم ایسہ الملرہ، مایوسیت لره مستغرق اولیوردی .
دین نامہ منسویین علمیه بی شتوملرہ هدف
قیلمہ لری موجب خندہ ایسہدہ بر طاقم سادہ
دلانک و خصوصاً ضعیف الاعتقاد بولنار لک پارلاق
سوزلرہ قاپیلہ رق زهرلی حبلر یوتملہ لری تحقق
اولدیغندن بوموازنہ سز لڑک یوزلرنده کی ماسکسی
قالدیر مق، ملت اسلامیہ یه ہیئت اصلیه لریلہ
کوسترمک و میدانه آتدقلری «اصلاح مدارس»
قضیہ سنک بالقانلیلرک اولایلری سوردکلری
(ماکدونیا اصلاحی) مسئلہ سنہ یک مشابہ
اولدیغنی اکلاتقی ایچون برغزته لازم ایدی .
برکت ویرسونک (مدرسه اعتقادلری) عرض
دیدار ایلدی .

مدارس اسلامیہ نیک اولجہ حائز اولدیغنی
اهمیتی شمیدمہ حائز اولسنی، عالم اسلامہ فیض
علم، نور دین افاضہ ایدہ بیلہ جک، فاضللرک
زمانہ زدهده بیتشمہ سنی برنجیہ امل ایدیتلریمیزک

کتب معانی زدهده صرفہ، نحوہ متعلق کتابلر-
یمزدن چوق فرقلی دکلدر، چہ ونکہ اولنردہ
قواعددن بشقہ برشی اوکرتیمور، خلافی ادعا
ایدنلر وارسہ - ترک عربیجہ سی اولماق شرطیلہ-
بر مقالہ یازار، یاخود بر نطق بلیغ ایراد ایدر لرسہ
ایلاک اوکجہ اللرینی او یه جک بندہ کز اولورم .

منطق کتابلرینہ کلنجہ : بونلرک، بر، طلبہ
مسلمنک حیات قیمتدارندن افنا ایلدیکی زمانی،
برده تأمین ایتدیکی فائدہ بی دوشونہ جک اولورسہ ق
اوزون اوزادی یه سوز سویلہ مکہ حاجت قالماز
ظن ایدہرم .

علم کلامک اهمیت کوندن کونہ آرتقمدهدر،
فتون جدیدہ یه وقوف پیدا ایتمک یولنی آرامقلہ
برابر، شرح مواقف و مقاصد کبی مهم اثر لراساس
عدا اولنہ رق عصر حاضرہ موافق کتابلری یازماز سہ
حیف بوملنک حالہ ...!

فروع فقہیمیزک سهل العبارة برکتابده جمعی،
اصول فقہک اوفن خاص الحصاصک بر آزدہا
عملی، بر آزدہا تطبیقہ مساعد بر صورتہ افراغ
ایدلسی الزمدر .

علم تفسیر ایلہ حدیثہ کلنجہ یوقاریدہ عرض
ایتدیکم صرف، نحو، منطق، معانی ولولہ سی
ایچنده بوغولہ رق بیتاب دوشن طلاب علمک یک
حالسز قالدقلری بر زمانہ تصدق ایتدیرلدیکندمی،
نہ دندر - مقصد اصلی اولدقلری سویلتمکله برابر-
او قویان، او قودان یک کوریلہ مہ مکده اولدیغنی
ایچون مع الأسف : آدی قالمشدر آنک دیلرلرده!
دیمکدن باشقہ سوز بولنہ میور .

فاتح درس علملرندن

ع . عاطف

عثمانیه بی ده بوکرداب جهالتدن قورتاره جغمزه ایمان ایدم .

ایشته تمیلرم کندله برابر طلبه علوم قردشلمیمکه بویوله شد رحل ایلدکلینی کورمکدن عبارتدر والسلام .

آباصوفیه مدرسته لیلردن
محمد امین

اجتهاد رفیقمزه اوچنجی سوزلرم

رفیق بی توقیم بودفمه سکا اوچنجی سوزلریمی سوبله مکله تصدیع ایده جکم . بتون ملت ، بالقان حکومتلرله کوکس ، کوکسه چاریشیرکن سن ، اونلره آرقه چورهرهک صوقالره اعلان حرب ایتدک . عقول سلیمه اصحابی سنک بو حرکتکه معقول برسائق بوله مدی . کل ، سن ، بومعاسز حربدن صرف نظرایت ده سنکله صلح عقد ایدم . چونکه صنوف ملتک یکدیگرینه اعلان حرب ایتدی یوزندن ایدیکه ملک مبارکمز نصفی بد اعدایه تسلیم ایتدک . نه ایدی اوبوغیشمه لر ، نه ایدی اودیدیشمه لر ، اولر اولماسهیدی بو فلاکتلر باشیمزه کله جکمی ایدی ؟

کوردکلریمز ، کچیردکلریمز تشمیور ، آرتیمورمی که یکیدن بربریمزه اعلان حرب ایدم ؟ . اولماز رفیق ناشفیقم اولماز . سن بزه ، بزه سکا اعلان حرب ایدرسهک ، بو اوکا ، او بوکا اظهار خصوصت ایدرسه بقیه ممالکمزده المزدن کیدر ، کیدر ده نه سن سعادت یوزی کوربرسین ، نه ده بزه سلامت یوزی کوربرز .

سن ، فصل اولدی ده بورالرینی دوشونمدهک ، دوشونمکدن بشقه برده ایسته یوردک که مقام مشیخت ده سکا اعلان حرب ایتک نزلده بوتسون .
او مقام معلاتک دیوان حربیه مراجعتی اماره

سویجلردن گوکسلری قلابسه ، اوعلی مرتبهیه ارتقا ایچون برآدیم آتیدیقنه اعتمادلری بولنسه لایقدر ، سزادر .

اعتقادجه انسان ایچون الک بیوک فضیلت قصورنی اعتراف ایتک وچاره ازاله سی ارامقدر . ایشه (مدرسه اعتقادلری) بونی پایور ، اویله اولو اورطه شاتملرک اتهاماتی رده ، جرحه قلیشمیور . بلکه حق وواقع اولانلری قبول واعتراف ایلور . فقط بیوک برجسارتله ، یوکسک برصدا ایله عصر حاضرک اصول تدریسنه مدرسه قیولرینی آچیور ، قلاسیق اثرلرک وجوده کتیرلرینی پیشوایان امتدن طلب ایدیور . شایان شکران ، موجب ممنونیت دکل ؟ ارتق تمیلریمه کچیم . بوراده عموم مسلکداشلریمه (طلبه علوم قردشلمیمه توجه خطاب ایله دییورمکه ارتق وقت ضایع ایتیم هایدی فکرآ (مدرسه اعتقادلری) محیط منورنده طولانیم ، اساتذه ممتازدن مرکب بر (اصلاح مدارس هیئی) تشکیل ایدم بزی نوره ایصال ایله جک بربروغرام ترتیب ایتدیرم حکومه دردمزی آکلانم . هانیا برضرب متلعز وار (اغلامیسان چوجقه همه بربرملر) دیرز . حکومت المزدن طو نتیجه قدر اغلامیم ، حایقیرم ، فقط هرشیئی حکومتدن بکله میم ، بر قسمی شخصی وخصوصی تشبثلریمزه ، سبیلریمزه تلافی به غیرت ایدم . افکارمزی وطولایسیله ملت اسلامیه نك افکارنی تنور ایچون متفکرین علمامزه ، محررین اسلامیه مزه علمی ، فنی ، اجتماعی قونفرانسلر ویردیرم . مصاحبلریمزی ، مصالح کینلریمزی مندرلر اوزرنده اویوقلامقدن منع ایدم ، برطابق غرضکارلرک مسلکمز علیمه زباندرازلق ایتسنه میدان بیراقایم . بوخصوصده آناجغمز وظیفه شناسانه آدیملرله یالکز کندیمری دکل بلکه ملت اسلامیه وامت